

Umoja wa Mataifa



www.un.org



Sisi watu wa Umoja wa Mataifa



Sisi watu wa

Yaliyomo



1	Umoja wa Mataifa (UM) ni nini?.....	4
2	Historia ya Umoja wa Mataifa.....	6
3	Mkusanyiko mkubwa zaidi wa UM.....	8
	Mkutano Mkuu	
4	Kwa ajili ya amani na usalama duniani:	10
	Baraza la Usalama.	
5	Kwa mafanikio ya kila mmoja:.....	12
	Baraza la Kiuchumi na kijamii.	
6	Vyombo vingine muhimu vya UM na kazi zake:	14
	Baraza la Udhamini, Mahakama ya Kimataifa, na ofisi ya Shughuli za Kiutawala	
7	Simulizi mbalimbali kuhusu Umoja wa Mataifa	16
8	Malengo ya Maendeleo ya Milenia ni nini?.....	21
9	Umoja wa Mataifa Tanzania.....	22

UM ni nini?


1



• Kengele ya Amani



Katika uga wa jengo la Ofisi ya Shughuli za Kiutawala mjini New York, ipo Kengele ya Amani iliyotolewa na Japani kama mchango wake na pia kama ishara ya kutaka amani duniani. Imekuwa desturi kengele hiyo kupigwa na Katibu Mkuu kila tarehe 21 ya Septemba, siku ya Kimataifa ya Amani.



UM ni kundi la nchi zilizojiunga pamoja kwa ajili ya kudumisha amani duniani.



Kwamba nchi ziweze kuelewana vizuri zaidi

Kwamba watu kote duniani waweze kuishi kwa kuelewana

UM inasaidia kuwezesha hili



Kwa nini amani duniani?



UM inamaanisha Umoja wa Mataifa. Makao yake Makuu yako New York, UM inafanya kazi ya kusaidia kuleta amani na maendeleo duniani

Kumbe UM ni kifupisho cha Umoja Mataifa.

Historia ya Umoja wa Mataifa





• Nembo ya UM

Ramani ya dunia iliyozungushiwa
shada la matawi ya mizeituni,
ishara ya amani.



Umoja wa Mataifa ulianzishwa
tarehe 24, Oktoba, 1945.

Kwa hiyo, tarehe
24 Oktoba watu duniani
kote wanaadhimisha siku ya
Umoja wa Mataifa
(siku ya UM).



Je,
UM ni kama
serikali ya
dunia?

Hapana. UM iko zaidi
kama bunge la dunia,
ambapo nchi huru
zinakutana kwa ajili ya
kuzungumzia
masuala ya
dunia



Nchi inaweza kujiunga
kama mwanachama
kwa namna gani?



Nchi
yoyote
inayota-
mbuliwa
kama nchi
huru na
inayotha-
mini wazo
la amani i
naweza
kuwa
mwana-
chama.



Kwa
sasa
kuna
nchi
191
ambazo
ni wana-
chama
wa
UM

Mkusanyiko mkubwa zaidi wa UM:

Mkutano Mkuu

UM unafanya
nini? Inafanya
kazi namna
gani?



Kwanza kabisa,
UM unavyo vyombo sita
vinavyochukua
maamuzi



Chombo muhimu
zaidi ni Mkutano
Mkuu, ambao nchi
wanachama wote
wanakutana



Mkutano Mkuu
unakutana
kila mwaka
kuzungumzia
masuala mengi

Unaone-
kana
namna
hii.



• Lugha Sita Rasmi za UM



Kichina: 和平 (Hei Ping)
 Kifaransa: Paix
 Kiarabu: السلام (As-Salam)
 Kihispania: Paz
 Kiingereza: Peace
 Kirusi: мир (Mir)



Kikao cha kawaida cha kila mwaka cha Mkutano Mkuu huanza mwezi wa Septemba



Kila Nchi Mwanachama inayo kura moja na maamuzi yote yanafikiwa kwa wengi wa kura. Maamuzi kuhusu masuala muhimu yanahitaji theluthi mbili za kura za walio wengi.



Mkutano Mkuu unaamua kuhusu mambo gani



Kwanza, Mkutano unamchagua Mwenyekiti

Kila miaka mitano, Mkutano Mkuu wa UM unamchagua Katibu Mkuu



Nchi wanachama zinaamua ni pesa ngapi UM itahitaji na matumizi yake yatakavyokuwa



Kama bajeti ya kaya kwa ajili ya dunia.


Kwa ajili ya amani na usalama duniani:

Baraza la Usalama



• Wanachama watano wa kudumu wa Baraza la Usalama

Nchi hizi tano zinayo haki ya kupiga kura ya "hapana", inayoitwa "kura ya turufu".



Baraza la Usalama linaweza kukutana muda wowote na lina wanachama 15 wanaoweza kupiga kura: wanachama watano wa kudumu na wanachama kumi wasio wa kudumu.

Wanachama wa kudumu ni nani?



Wanachama wa kudumu ni China, Ufaransa, Jumuiya ya Urusi, Uingereza na Marekani



Wanachama wasio wa kudumu wanachaguliwa kila miaka miwili na Mkutano Mkuu

Katika wale wanachama 15, tisa wanapaswa kupiga kura kupitisha maamuzi. Lakini iwapo mwanachama wa kudumu mmoja tu atapiga kura ya turufu, maamuzi hayatapita Baraza la Usalama.



Oh! wanachama wa kudumu wana nguvu!



Ndiyo! Na wanachama wa UM wanapaswa kufuata maamuzi yaliyofikiwa na Baraza la Usalama



Kwa ajili ya mafanikio ya kila mmoja:

Baraza la Kiuchumi na Kijamii




• Tuzo ya Amani ya Nobel

Mfumo wa UM na wawakilishi wamepokea Tuzo la Amani mara 13 kuanzia 1945-2005. Tuzo hii inapewa watu au jumuia zinazohimiza amani duniani kwa kusaidia nchi kuelewana vizuri zaidi



Ile ni
kwa ajili ya
watoto,
sawa?

Ndiyo,
UNICEF
inamaanisha
Mfuko wa
Umoja wa
Mataifa kwa
Watoto na
hutoa misaada
kwa watoto
katika nchi
zinazoendelea



Vilevile kuna
UNESCO, ambayo
inamaanisha Jumuiya
ya Umoja wa Mataifa
inayoshughulikia
Elimu, Sayansi
na Utamaduni.
UNESCO inalinda
maeneo ya urithi ya
dunia na kuendeleza
elimu kwa ajili ya
watoto kila mahali





Baraza la Kiuchumi na Kijamii
linajumuisha turne tano za kimikoa
kwa ajili ya Afrika, Asia na Pasifiki,
Ulaya, Amerika ya Kilatini na
Karibiani, na Asia Magharibi



Sasa hivi,
Baraza lina
wanachama
54 na
linakutana
mara moja
kwa mwaka

Vyombo vingine vya Umoja wa Mataifa na kazi zake

**Baraza la Udhadini, Mahakama ya Kimataifa na Ofisi ya
Shughuli za Kiutawala**



• Katibu Mkuu

Mfululizo wa Makatibu Wakuu wa UM ni pamoja na:

1. Trygve Lie (Norway) 1946-1952
2. Dag Hammarskjold (Sweden) 1953-1961
3. U Thant (Myanmar) 1961-1971
4. Kurt Waldheim (Austria) 1972-1981
5. Javier Perez de Cuellar (Peru) 1982-1991
6. Boutros Boutros-Ghali (Egypt) 1992-1996
7. Kofi Annan (Ghana) 1997-2006




Chombo
cha tano
ni
Maha-
kama
ya
Kimataifa



Nchi
zinaweza
kuleta
malalamiko
dhidi ya nchi
nyingine
mahakamani



Iko Hague,
Uholanzi.
Mahakama
ina majaji
15 ambao
wanateuliwa na
Mkutano Mkuu
na Baraza la
Usalama



Chombo cha sita
ni Sekretariati (Ofisi
ya Shughuli za
Kiutawala) ambayo
ina karibu
wafanyakazi 15,600
(karibu 8,900 chini
ya bajeti ya kawaida
inayotolewa kutoka
nchi 170). Mkuu wa
Ofisi ya Shughuli za
Kiutawala ni Katibu
Mkuu ambaye
anatawala mtandao
wa UM



Katibu Mkuu anateuliwa na Mkutano Mkuu
kwa mapendekezo ya Baraza la Usalama. Katibu
Mkuu, kwa kawaida, hufanya kazi kwa kipindi
cha miaka mitano kinachoweza kurudiwa kwa
vipindi viwili

Simulizi Mbalimbali kuhusu Umoja wa Mataifa



Sasa,
twendeni
tukaone baadhi
ya shughuli za
UM!

Simulizi Mbalimbali kuhusu Umoja wa Mataifa

Pamoja nyakati za maafa.

Mamia ya maelfu ya watu wamepoteza maisha yao na mamilioni njia zao za kupata riziki zao kwa sababu ya majanga ya asili. UM ni muhimu katika kuratibu jitihada za kuleta faraja na kusaidia jamii kurudi katika hali ya kawaida baada ya maafa kama tsunami ya Bahari ya India, vimbunga, mafuriko, ukame, tetemeko za ardhi na tufani.



UM inatoa chakula, madawa, hifadhi na misaada kwa ajili ya kilimo, uvuvi, maji na miradi ya usafi kwa ajili ya kusaidia jamii kuanza kuishi tena maisha yao ya kawaida. Shirika la Afya Duniani linafuatilia afya ya umma ili milipuko ya magonjwa kama kupooza yaweze kudhibitiwa.

Mpango wa Chakula Duniani wa Umoja wa Mataifa (WFP) na Tanzania wanatumia msaada wa chakula kwa ajili ya kuokoa maisha na njia za kujipatia riziki za watu walioathirika na majanga na kwa ajili ya kutoa chakula kama uwekezaji katika sekta ya kilimo, elimu na afya.

Sarah afurahia maji safi (Malawi, Africa)

Maisha ya Sarah Phiri yamebadilika kabisa tangu jamii yake iamue kuchimba kisima pekecho kipya katika kijiji chao cha Mzikawola, Malawi, kabla ya kisima, alivyosema Sarah, "wanawake wa kijiji walipashwa kutembea kwa saa nzima kwenda na kurudi mtoni kwa ajili ya kupata maji safi".

Zaidi ya uchovu wa kimwili kwa kutembea mbali hivo, Sarah aliongeza kwamba hali ya maji ilikuwa mbaya sana." Tulisumbuliwa na magonjwa mengi. Sasa hivi hapana."



Masaa wawili ya ziada ambayo wanawake wa kijiji cha Sarah wanaokoa kila siku kwa kutembea umbali mrefu kwa ajili ya kwenda kutafuta maji yamefungua nafasi mpya. Sarah alisema wengine wanalima chakula zaidi kinachoboresha malezi na mapato ya familia. Chakula cha ziada kinauzwa sokoni au kubadilishwa na aina nyingine ya mazao. "Kisima cha kawaida tu kimeleta kila kitu, kuanzia amani ya mawazo mpaka maisha mazuri zaidi".

Malawi, anakoishi Sarah, ni moja ya nchi 49 maskini zaidi ulimwenguni. Zaidi ya nusu ya watu milioni 650 wanaoishi katika nchi hizo wanaishi kwa chini ya dola moja kwa siku. UM inasaidia mipango kama kuchimba visima kwa kuwawezesha watu kama Sarah na jamii yake.

Simulizi Mbalimbali kuhusu Umoja wa Mataifa

Haki ya kupata elimu India

Ndoto ya Aarti ya kupata kazi ilikaribia kuwa kweli wakati kijana huyu wa miaka 16 aliposhiriki katika mradi unaofadhiliwa na UNICEF-India wa kuwapatia elimu watoto wa mitaani. Aarti alilazimishwa kuacha shule akiwa na umri wa miaka 10. Alipitisha muda wa siku zake kwa kutafuta vibarua vya kila aina katika mji wa Mumbai na kuishi mitaani na mama yake na ndugu zake. Sasa msichana huyu anajifunza kufanya kazi ya kuuza maua na anajifunza kusoma na kuandika.



Ndoto ya Aarti ya kuwa na kazi nzuri ili kumsaidia mama yake na nduguze yaweza kuwa kweli. Wakati bado anakumbana na matatizo mengi, ameshinda la kwanza kwa kudai haki yake ya kupata elimu.

Tamko la Ulimwengu la Haki ya Binadamu linasema kwamba kila mtu anayo haki ya kupata elimu. Tume ya UM na Mawakala wa UM kama UNICEF, UNESCO, UNDP na UNFPA vinafanya kazi na Serikali na washirika kwa ajili ya kusaidia watoto kupata elimu huru na ya lazima yenye sifa nzuri na kuondoa tofauti za kijinsia katika elimu ya msingi na ya upili.

Haki ya kupata elimu (Bolivia, Amerika Kusini)

Wahindi wa Guarani wanaishi Bolivia, Argentina, Brazil na Paraguay. Kuna miaka michache, viongozi wa Waguarani wa Bolivia walipeleka barua UM. "Miaka mingi iliyopita", ilisema barua, "wakati shule zilifika mkoani mwetu, walituaambia kwamba elimu ndiyo ingekuwa njia bora ya kututoa kwenye ushamba wetu. Tulijenga shule na kile kidogo tulichokuwa nacho na tukaifanya Serikali ipeleke waalimu. Lakini tumesubiri na hatujaona matunda ya hizo shule".



Elimu katika hizo shule ilikuwa yote katika lugha ya Kihispania. Serikali ilifikiri Kihispania kilikuwa kimeendelea zaidi kuliko lugha ya Kihindi na kwamba Wahindi walipashwa kujifunza hicho. Kwa bahati mbaya, badala ya kuwasaidia kuendelea, elimu ilifanya kinyume. Waalimu wengi waliwaambia watoto wa Waguarani, ambao hawakuweza kujifunza lugha mpya, kwamba walikuwa wapumbavu na washamba. Matokeo yake, watoto walivunjika moyo.

Mwaka 1989, mashirika mawili ya UM, UNICEF na UNESCO waliingilia kati kubadili hali hiyo. Wawakilishi wao walikutana na Waguarani na wajumbe wa Serikali ya Bolivia. Kwa msaada wa jumuiia nyingine kadhaa za ndani na za nje, walianzisha mpango mpya wa shule kwa ajili ya kuwapa watoto wa Waguarani nafasi ya kujifunza lugha mbili, Kiguarani na Kihispania. Hatua hii ilileta mafanikio.

Waguarani sasa wana mategemeo zaidi. Kama mzazi alivyoandikia UM, "Watoto wetu sasa wanajifunza zaidi na vizuri. Hatimaye wanaweza kujieleza kwa uhuru bila kuadhibiwa kwa kusema lugha yao wenyewe".

Simulizi Mbalimbali kuhusu Umoja wa Mataifa

Marafiki katika shida ni marafiki wa kweli (Afghanistan)

Msichana mdogo alisema alikuwa hajawahi kumiliki kitu cha kuchezea katika maisha yake. Sasa alikuwa akiruka kamba kwa furaha kwa mara ya kwanza. Watoto wengine wakimbizi wa Afghani walifungua kwa shauku zawadi zao za bei nafuu za penseli, penseli za rangi na daftari. Wasichana walisuka nywele zao vizuri kwa wiki kadhaa.

Miaka michache iliyopita, UM na Chama cha Dunia cha Wasichana Viongozi walianzisha mpango wa "Kifurushi cha amani". Kama mwendaji, wasichana katika nchi 52 walikusanya zaidi ya vifurushi 260,000 kwa ajili ya watoto wakimbizi duniani kote. Wasichana viongozi katika Japani waliamua kukusanya zawadi kwa ajili ya watoto wa Afghani. Miaka michache iliyopita, wasichana wengi wa Japani walikusanya vifurushi 13,536. Baadae, sita kati yao walikwenda kambini kwa ndege na waligawa vifurushi kwa familia za wakimbizi.



Wakati wasichana walipokuwa wanagawa vifurushi vyao, watoto wakimbizi walikuwa kivutio kwa kila mmoja. Mwalimu mmoja, aliyewaangalia watoto ambao kwa kawaida ni waoga wakianza kuimba, alisema kwamba thamani ya hivyo vifurushi haikuwezekana kukadiriwa. Vinaweza kuwa vya bei ndogo, lakini zawadi zilikuwa vitu vyenye thamani zaidi kwa watoto hawa. (Imenakiliwa kutoka gazeti la wakimbizi, linalochapishwa na shirika la wakimbizi la Umoja wa Mataifa).

SUK Ratha apata matumaini (Cambodia)

Cambodia ni moja ya nchi zilizotapakaliwa na mabomu ya kutega zaidi duniani. Miongo mitatu ya vita na mapigano ya kiraia imeacha mamilioni ya mabomu yaliyosambaa ndani ya nchi hii iliyofanywa kuwa maskini. Tangu 1979, zaidi ya Wakambodia 57,000 wameteseka kwa kukatwa viungo, wengi wao wakiwa watoto wasio na hatia. Mmoja wao ni Suk Ratha wenye umri wa miaka 15.



Mguu wa Suk Ratha ulikatwa baada ya msichana huyu kukanyaga bomu la kutega ardhini wakati akienda kwenye soko la eneo hilo. Hakujua ataendeleaje, hata jinsi gani angefika nyumbani kwao, nyumba ndogo iliyokuwa imejengwa juu ya mironjo. Lakini jumuia au vyama vya watu binafsi vinavyosaidia waathirika wa mabomu ya kutega ardhini wamehakikisha anapata kiungo bandia, na atajifunza kutembea tena. Wamesaidia familia yake pia kwa kuipa vifaa vya shule kusaia Suk Ratha kubaki shuleni, na ng'ombe kwa ajili ya maziwa na mapato ya ziada.

Mashirika ya Umoja wa Mataifa yanafanya kazi pamoja kuondoa mabomu ya kutega ardhini, kuelimisha watu na kusaia waathirika. Huduma ya vitendo kuhusu mabomu ya ardhini inasaidia jitihada za kuendeleza na kutekeleza makubaliano ya kukataza mabomu ya ardhini, ambayo yameidhinishwa rasmi na nchi 136 na yamesainiwa na nchi 148. Inaratibu pia kazi ya mashirika ya UM kama UNICEF na UNDP, kwa kushirikiana na mashirika yasiyo ya kiserikali, pamoja na Msalaba Mwekundu wa Kimataifa, Kundi la kushauri kuhusu mabomu ya Ardhini na taasisi za serikali kama kituo cha Cambodia cha vitendo kuhusu Mabomu ya kutega Ardhini.

Simulizi Mbalimbali kuhusu Umoja wa Mataifa

Kulinda watoto (Viet Nam)



Thuy anaishi mitaani na kaka yake na mama yake nchini Vietnam. Wanauza makopo na chupa ili wapate pesa kwa ajili ya mama yao, ambaye ni mgonjwa. Thuy ameathirika na kutumikishwa ovyo.

Hofu kubwa ya wasichana na wavulana wanaofanya kazi sana katika migodi yenye hatari, wakiwa wanauzwa na kufanyiwa biashara ya ukahaba, wakilazimishwa kufanya kazi masaa marefu kama watumishi wa nyumbani, mashambani na karakana, imepeleka suala la kutumikisha watoto mbele ya macho ya Serikali na jamii ya kiraia.

UM inasaidia watoto kuondoka mitaani na inasimamia vibanda vya ovyo ovyo kuhakikisha huduma za msingi zinapatikana, inaendesha mipango inayotoa malazi, elimu, mafundisho na uunganishaji wa familia. UNESCAP ni sehemu ya Mradi wa Ushirikiano wa UM kuhusu Biashara ya Wanawake na Watoto katika Wilaya ya Mekong, ambao unalenga nchi tano za Kusini Mashariki mwa Asia na Uchina.

Shirika la Kazi la Kimataifa (ILO) na Mpango wake wa Kimataifa juu ya kuondosha kazi kwa Watoto limeanzisha kampeni duniani kwa ajili ya kuziomba Serikali kuthibitisha rasmi makubaliano juu ya aina mbaya zaidi za kazi za watoto. Kuna vilevile mikataba mingi ya UM na makubaliano juu ya Haki za watoto kwa ajili ya kulinda watoto na kuwaepusha na madhara. UM umetambua umuhimu wa watoto na umetangaza Mwongo wa Kimataifa kwa ajili ya Utamaduni wa Amani na kutokutumia nguvu kwa Watoto Duniani (2000 – 2010).



Paul aokoa maisha (kutoka Mexico)

Kama vinyozi wengi duniani kote, Paul Lopez amejenga uhusiano wa karibu na wateja wake. Wanasikiliza ushauri wake kuhusu mwonekano na wanajadiliana masuala binafsi. Lakini katika saluni yake huko Jiji la Mexico, Paul anafanya zaidi kuliko kubadilishana umbeya na kutoa madokezo ya urembo. Anatoa vilevile habari zinazoweza kuokoa maisha.

Paul amefunzwa chini ya Kampeni bunifu inayofadhiliwa na Umoja wa Mataifa huko Mexico kwa kuendeleza utambuzi miongoni mwa wateja wake kuhusu VVU/ UKIMWI. Kwa sababu wateja wao wanawasikiliza, idadi kubwa zaidi na zaidi ya watengenezaji wa nywele na vinyozi ni washiriki muhimu katika Kampeni ya kuelimisha watu kuhusu ugonjwa huu na namna ya kujilinda wenyewe.

Kampeni, ambayo inaitwa “Kiungo cha Utepe Mwekundu na Uhai: Kuzuia VVU/ UKIMWI”, inasaidiwa na shirika la Watoto la Umoja wa Mataifa na Mpango wa kudhibiti Ukimwi wa Umoja wa Mataifa. Umoja wa Mataifa inaendesha vikao maalum kwa ajili ya kujadili njia za kuzuia na kusimamisha kuenea kwa VVU/ UKIMWI.



Malengo ya Milenia ni nini?



Kufikia mwaka 2015, Nchi Wanachama wote 191 wa Umoja wa Mataifa wameahidi kufikia malengo haya.

Malengo ya Maendeleo ya Milenia ya UM

**Chunga ahadi
Malengo ya
Maendeleo ya
Milenia.**



Mwezi wa Septemba 2000, Nchi zote wanachama zote zilipitisha kwa kauli moja Tamko la Milenia la Umoja wa Mataifa. Katika Tamko hilo, Serikali zilikubaliana kwamba zitajitahidi kwa uwezo wake kuwaondoa ndugu zao wanaume, wanawake na watoto kutoka hali ya umaskini mkubwa.



Malengo ya Maendeleo ya Milenia (MMM)


- 01 Kutokomeza umasikini uliokithiri na njaa
- 02 Elimu ya Msingi kwa wote
- 03 Usawa wa Kijinsia na fursa sawa kwa wanawake
- 04 Kupunguza vifo vya watoto wachanga
- 05 Upatikanaji wa huduma bora za uzazi
- 06 Kupambana na Ukimwi, malaria na magonjwa mengine.
- 07 Kulinda mazingira yetu
- 08 Kujenga mshikamano wa kimaendeleo duniani.

www.un.org/millenniumgoals

Umoja wa Mataifa nchini Tanzania



Umoja wa Mataifa nchini Tanzania



Umoja wa Mataifa Tanzania

UNDP

Mpango wa Maendeleo wa Umoja wa Mataifa.

UNV

Shirika la Kujitolea la Umoja wa Mataifa

UNHCR

Shirika la Wakimbizi la Umoja wa Mataifa

FAO

Shirika la Chakula na Kilimo Duniani

ILO

Shirika la kazi la kimataifa

UNAIDS

Mpango wa Pamoja wa Umoja wa Mataifa juu ya VVU/ UKIMWI

UNESCO

Shirika la Elimu, Sayansi na Utamaduni la Umoja wa Mataifa

UNFPA

Mfuko wa Watu wa Umoja wa Mataifa

UNIC

Kitengo cha Habari cha Umoja wa Mataifa

UNICEF

Shirika la Watoto la Umoja wa Mataifa

UNIDO

Shirika la Maendeleo ya Viwanda la Umoja wa Mataifa

WFP

Mpango wa Chakula Duniani

WHO

Shirika la Afya Duniani

UNCDF

Mfuko wa Maendeleo wa Umoja wa Mataifa

UN Habitat

Mpango wa Makazi ya Watu wa Umoja wa Mataifa

UNICTR

Mahakama ya Kimataifa ya Rwanda

IMF

Shirika la Fedha Duniani

WB

Benki ya Dunia



Kitengo cha Habari cha Umoja wa Mataifa
Dar es Salaam, Tanzania

S.L.P. 9224, Eneo la Makazi ya Ghuba ya Msimbazi,
Barabara ya Kingsway / Mafinga, Kitalu Na. 134-140,
Kinondoni, Dar es Salaam.

Barua pepe: unic.urt@raha.com

Tovuti: www.untanzania.org

www.unic.undp.org